




詩  
醇  
二  
李

土岐文庫  
文庫17  
W64  
4



文庫 17  
W64  
4

御選唐宋詩醇卷之五

隴西李白詩五

目錄

襄陽歌

江上吟

侍從宜春苑奉詔賦龍池柳色初青聽新鶯

百轉歌

西嶽雲臺歌送丹邱子

梁園吟

御選唐宋詩醇 卷五 李白

昭和六十年二月一日贈  
吉澤善唐氏寄

010185191023

鳴皋歌送岑徵君

橫江詞

白雲歌送劉十六歸山

秋浦歌

當塗趙炎少府粉圖山水歌

上皇西巡南京歌

峨眉山月歌

江夏行

清溪行

贈孟浩然

見京兆韋參軍量移東陽

贈韋侍御黃裳二首

贈裴十四

贈清漳明府姪聿

贈新平少年

白號贈徵君鴻

秋日鍊藥院鑷白髮贈元六兄林宗

憶襄陽舊遊贈馬少府巨

對雪獻從兄虞城宰

贈昇州王使君忠臣

贈別從甥高五

醉後贈從甥高鎮

贈秋浦柳少府

中丞宋公以吳兵三千赴河南軍次尋陽脫  
予之囚叅謀幕府因贈之

流夜郎贈辛判官

贈常侍御

贈易秀才

經亂離後天恩流夜郎憶舊遊書懷贈江夏

韋太守良宰

贈漢陽輔錄事

贈盧司戶

贈從弟南平太守之遙

流夜郎半道承恩放還兼欣剋復之美書懷

示息秀才

宿清溪主人

巴陵贈賈舍人

贈從弟宣州長史昭

陳情贈友人

贈錢徵君少陽

登敬亭山南望懷古贈竇主簿

經亂後將避地剡中留贈崔宣城



御選唐宋詩醇卷之五

隴西李白詩五

襄陽歌

落日欲沒峴山西。倒著接離花下迷。襄陽小兒齊  
 拍手。攔街爭唱白銅鞮。傍人借問笑何事。笑殺山  
 翁醉似泥。鸕鷀杓。鸚鵡杯。百年三萬六千日。一日  
 須傾三百杯。遙看漢水鴨頭綠。恰似葡萄初醱醅。  
 此江若變作春酒。壘麴便築糟邱臺。千金駿馬換  
 小妾。笑坐雕鞍歌落梅。車傍側挂一壺酒。鳳笙龍

管行相催。咸陽市中。歎黃犬。何如月下。傾金罍。君不見。晉朝羊公。一片石。龜頭剝落。生莓苔。淚亦不能為之墮。心亦不能為之哀。清風朗月。不用一錢。賈玉山。自倒非人推。舒州杓。力士鎚。李白與爾同死。生襄王雲雨。今安在。江水東流。後夜聲。

意曠神逸。極頹唐之趣。入後俯仰含情。乃有心人語。韜精日沈。飲誰知。非荒宴亦同。此懷抱耳。子美云。長鏡長鏡。白木柄。我生託子。以為命語。奇矣。此詩云。舒州杓。力士鎚。李白與爾同死。生苦樂不同。

造語正復匹敵

歐陽修曰。落日欲沒峴山西。四句此常語也。至於清風明月。不用一錢。買玉山自倒。非人推。然後見太白之橫放。其所以驚動千古者。固不在此乎。

黃庭堅曰。李白歌詩。度越六代。與漢魏樂府爭衡。

彭乘曰。歐陽公題滄浪亭云。清風明月本無價。可惜只賣四萬錢。與太白致辭。雖異。然皆善言。

風月

古今樂錄襄陽樂宋隨王誕作襄陽蹋銅蹄者  
梁武西下所製沈約又作其和云襄陽白銅蹄  
聖德應乾來

江上吟

木蘭之枻沙棠舟。玉簫金管坐兩頭。美酒尊中置  
千斛。載妓隨波任去留。仙人有待乘黃鶴。海客無  
心隨白鷗。屈平詞賦懸日月。楚王臺榭空山邱。興  
酣落筆搖五嶽。詩成笑傲陵滄洲。功名富貴若長

在漢水亦應西北流

發端四語即事之辭也以下慷慨以慨雖帶初唐  
風調而氣骨迥絕矣反筆作結殊為迥健

侍從宜春苑奉詔賦龍池柳色初青聽新鶯

百囀歌

東風已綠瀛洲草。紫殿紅樓覺春好。池南柳色半  
青青。縈烟嫋娜拂綺城。垂絲百尺桂懸楹。上有好  
鳥相和鳴。聞關早得春風情。春風卷入碧雲去。千  
門萬戶皆春聲。是時君王在鎬京。五雲垂暉耀紫

清仗出金宮。隨日轉天回。玉輦繞花行。始向蓬萊看舞鶴。還過蒞石聽新鶯。新鶯飛繞上林苑。願入箏韶雜鳳笙。

清圓流麗可以鼓吹休明千門萬戶一語氣象頗

大全篇格調想見初唐餘響

范德機曰此賦物詩格調既高法度又謹妙而易見者也

蕭士贇曰蓬萊蒞石當時宮苑名

沈德潛曰西都賦後宮則有蒞若椒風作蒞石

者誤也

西嶽雲臺歌送丹邱子

西嶽崢嶸何壯哉。黃河如絲天際來。黃河萬里觸山動。盤渦轂轉秦地雷。榮光休氣紛五彩。千年一清聖人在。巨靈咆哮擘兩山。洪波噴箭射東海。三峯却立如欲摧。翠厓丹谷高掌開。白帝金精運元氣。石作蓮花雲作臺。雲臺閣道連窈冥。中有不死丹邱生。明星玉女備灑掃。麻姑搔背指爪輕。我皇手把天地戶。丹邱談天與天語。九重出入生光輝。



東來蓬萊復西歸。玉漿儻惠故人飲。騎二茅龍上天飛。

健筆凌雲一掃靡靡之調

梁園吟

我浮黃河去京闕。挂席欲進波連山。天長水濶厭  
遠涉。訪古始及平臺間。平臺爲客憂思多。對酒遂  
作梁園歌。却憶蓬池阮公詠。因吟淶水揚洪波。洪  
波浩蕩迷舊國。路遠西歸安可得。人生達命豈暇  
愁。且飲美酒登高樓。平頭奴子搖大扇。五月不執

疑。清。秋。玉。盤。楊。梅。爲。君。設。吳。鹽。如。花。皎。白。雪。持。盃  
把。酒。但。飲。之。何。用。孤。高。比。雲。月。昔。人。豪。貴。信。陵。君  
今。人。耕。種。信。陵。墳。荒。城。虛。照。碧。山。月。古。木。盡。入。蒼  
梧。雲。梁。王。宮。闕。今。安。在。枚。馬。先。歸。不。相。待。舞。影。歌  
聲。散。綠。池。空。餘。汴。水。東。流。海。沈。吟。此。事。淚。滿。衣。黃  
金。買。醉。未。能。歸。連。呼。五。白。行。六。博。分。曹。賭。酒。酣。馳  
輝。歌。且。謠。意。方。遠。東。山。高。卧。時。起。來。欲。濟。蒼。生。未  
應。晚。

懷古之作慷慨悲歌興會颺舉范傳正有云李白

脫屣軒冕釋羈韁。鑠自放宇宙間。飲酒非嗜其酣。  
樂取其昏。以自穢。好神仙。非慕其輕舉。欲耗壯心。  
遣餘年作詩。非事其文律。取其吟咏。以自適。三誦  
斯篇信然。

桂臨川曰。太白樂天知命感。今懷古備載此詩。  
阮籍詠懷詩。徘徊蓬池上。還顧望大梁。淶水揚  
洪波。曠野莽茫茫。

歸藏啓筮曰。有白雲出自蒼梧。入於大梁。

鳴臯歌送岑徵君

自註時梁園三尺雪在清冷池作

若有人兮思鳴臯。阻積雪兮心煩勞。洪河凌競不  
可以徑度。冰龍鱗兮難容。舳仙山之峻極兮。聞  
天籟之嘈嘈。霜厓縞皓以合沓兮。若長風扇海湧。  
滄溟之波濤。元猿綠羆。舔啖崑崙。危柯振石。駭膽  
慄魄。羣呼而相號。峯崢嶸以路絕。挂星辰於巖巖。  
送君之歸兮。動鳴臯之新作。交鼓吹兮彈絲。觴清  
冷之池閣。君不行兮何待。若反顧之黃鶴。掃梁園  
之羣英。振大雅於東洛。巾征軒兮歷阻折。尋幽居  
兮越巘嶸。盤白石兮坐素月。琴松風兮寂萬壑。望

不見兮。心氛氳。蘿冥冥兮。霞紛紛。水橫洞。以下淥。  
波小聲。而上聞。虎嘯谷。而生風。龍藏溪。而吐雲。寡  
鶴清唳。飢鼯呻。兔獨處。此幽默兮。愀空山。而愁  
人。雞聚族。以爭食。鳳孤飛。而無隣。蠓蜒嘲龍。魚目  
混珍。嫫母衣錦。西施負薪。若使巢由。桎梏於軒冕。  
兮。亦奚異乎。夔龍蹶躡於風塵。哭何苦。而救楚。笑  
何誇。而却秦。吾誠不能學。二子。沽名矯節。以耀世  
兮。固將棄天地。而遺身。白鷗兮。飛來長。與君兮。相  
親。

作騷體便覺屈原宋玉去人不遠其不規規步趨  
處正是其才高氣逸爲之耳望不見兮一段寫出  
幽居寂寞之況興起下文脈絡相貫陳繹曾謂白  
詩祖風騷宗漢魏善於掉弄造出奇怪驚動心目  
忽然撇出妙入無聲其知言者乎王世貞以爲歌  
行縱橫往往強弩之末間以長語英雄欺人是不  
知其錯落變化自有天然節奏而輕議之也

晁補之緝變離騷敘此篇曰鳴皋歌者唐翰林  
供奉李白之所作也白天才俊麗不可矩矱然

要長於詩至鳴皋歌一篇本末楚辭也而世誤以爲詩因爲出之其畧曰蝦蟇嘲龍魚目混珍嫫母衣錦西施負薪此諄諄效屈原卜居及賈誼弔屈原語而白才自逸蕩故或離而去之云范德機曰此篇稍長而詞意易見亦楚人之流也惟其有蝦蟇魚目巢由夔龍等語故前輩嘗稱之然此實非太白之用意處妙不在此吳昌祺曰元猿綠羅疊四句而以五句爲一韻非騷人法且多對仗亦太白之古詩耳雞聚族

爭食以下乃白感岑之歸隱而發歎與岑無關一統志鳴皋山在河南嵩縣東北四十里

橫江詞

橫江西望阻西秦。漢水東連楊子津。白浪如山那

可渡。狂風愁殺峭帆人。

橫江館前津吏迎。向余東指海雲生。郎今欲渡緣何事。如此風波不可行。

梁簡文烏棲曲云郎今欲渡畏風波白用其語風致轉勝若其卽景寫心則託興遠矣

范德機曰此篇氣格合歌行之體使人嗟咏有無窮之思

胡應麟曰尙是樂府古調

趙執信曰橫江館前一首此樂府也問余何事一首此古詩也

白雲歌送劉十六歸山

泰山楚山皆白雲白雲處處長隨君長隨君君入楚山裏雲亦隨君渡湘水湘水上女蘿衣白雲堪卧君早歸

吐語如轉丸珠又如白雲卷舒清風與歸盡家逸品

秋浦歌

秋浦長似秋蕭條使人愁容愁不可度行上東大樓正西望長安下見江水流寄言向江水汝意憶儂不遙傳一掬淚爲我達揚州  
觸物懷人抑鬱誰語澤畔行吟深情宛露自是騷人之緒

沿革志秋浦隋縣名唐置池州

秋浦後夜愁。黃山堪白頭。清溪非隴水。翻作斷腸流。欲去不得去。薄遊成久遊。何年是歸日。雨淚下孤舟。

孤舟

秋浦錦駝鳥。人間天上稀。山雞羞滌水。不敢照毛衣。

兩鬢入秋浦。一朝颯已衰。猿聲催白髮。長短盡成

絲。

秋浦千重嶺。水車嶺最奇。天傾欲墮石。水拂寄生

枝。

奇境如畫

千○千○石○楠○樹○萬○萬○女○貞○林○山○山○白○露○滿○澗○澗○白○猿

吟○君○莫○向○秋○浦○猿○聲○碎○客○心

周南采蘋章連用六子以字十九首青青河畔草

連用六疊字句白詩祖之

邏人橫鳥道江祖出魚梁水急客舟疾山花拂面

香

江行真景

白髮三千丈綠愁似个長不知明鏡裏何處得秋

霜

突然而起四句三折格力極健要是倒裝法耳陳師道云白髮緣愁百尺長語亦自然于安石云纒成白髮三千丈有斧鑿痕矣

唐汝詢曰託興在意象之外

秋浦田舍翁採魚水中宿妻子張白鵬結且映深竹

似輞川詩

當塗趙炎少府粉圖山水歌

峨眉高出西極天。羅浮直與南溟連。名公繹思揮彩筆。驅山走海置眼前。滿堂空翠如可掃。赤城霞氣蒼梧煙。洞庭瀟湘意渺綿。三江七澤情洞沔。驚濤洶湧向何處。孤舟一去迷歸年。征帆不動亦不旋。飄如隨風落天邊。心搖目斷興難盡。幾時可到三山巔。西峯崢嶸噴流泉。橫石蹙水波潺湲。東厓合沓蔽輕霧。深林雜樹空芊綿。此中冥昧失晝夜。隱几寂聽無鳴蟬。長松之下列羽客。對坐不語南昌仙。南昌仙人趙夫子。妙年歷落青雲士。訟庭無

事羅衆賓。杳然如在丹青裏。五色粉圖安足珍。眞  
仙可以全吾身。若待功成拂衣去。武陵桃花笑殺  
人。

寫畫似眞亦遂驅山走海奔。曉下杳然如在丹  
青裏。又以眞爲畫。各有奇趣。康樂之模山範水。從

此另開生面

漢書梅福爲南昌尉。棄官去。至今傳以爲仙。

上皇西巡南京歌

誰道君王行路難。六龍西幸萬人歡。地轉錦江成

渭水天迴玉壘作長安。

渭水長安隱寓故都之感。且以幸其早還。非誇成  
都佳麗也。

胡震亨曰。王弼州以地轉錦江等句。不異宋人  
東狩錢塘封事。夫太白亦詩酒自娛跌宕一生  
者耳。安能顧語忌拘教義。爲是屑屑者哉。詩人  
各自寫一性情。各自成一品局。固不得取錦袍  
豪翰強繩以瘦筮苦藻。必同籥吹爲善也。

劍閣重關蜀北門。上皇歸馬若雲屯。少帝長安開



紫極雙懸日月照乾坤

述當時事何等明白可作詩史有謂肅宗當避位以請上皇復辟者有謂惑張良娣徙上皇於南內者皆傳會之說

沈德潛曰二句上皇三句少帝而以末句總收格法又別

唐書天寶十五載六月帝幸蜀七月太子即位於靈武尊帝為上皇天帝改元至德二載十二月上皇至京師大赦以蜀郡為南京

峨眉山月歌

峨眉山月半輪秋影入平羌江水流夜發清溪向三峽思君不見下渝洲

但覺其工然妙處不傳

劉辰翁曰含情悽惋有竹枝縹緲之音

王世貞曰二十八字中有峨眉山平羌江清溪三峽渝州使後人為之不勝痕迹矣益見此老鑪錘之妙

江夏行

憶昔嬌小姿。春心亦自持。爲言嫁夫壻。得免長相思。  
誰知嫁商賈。令人却愁苦。自從爲夫妻。何曾在鄉土。  
去年下揚州。相送黃鶴樓。眼看帆去遠。心逐江水流。  
只言期一載。誰謂歷三秋。使妾腸欲斷。恨君情悠悠。  
東家西舍同時發。北去南來不逾月。未知行李游何方。  
作箇音書能斷絕。適來往南浦。欲問西江船。正見當壚女。  
紅粧二八年。一種爲人妻。獨自多悲悽。對鏡便垂淚。  
逢人只欲啼。不如輕薄兒。且暮長相隨。悔作商人婦。  
青春長別離。如今正

好同懽樂。君去容華誰得知。

曲盡怨別之情。絮絮可聽。豈無膏沐。誰適爲容。未句正用此意。

### 清溪行

清溪清我心。水色異諸水。借問新安江。見底何如。此人行。明鏡中。鳥度屏風裏。向晚猩猩啼。空悲遠遊子。

佇興而言鏗然古調一結有言不盡意之妙

### 贈孟浩然

李白 清溪行 贈孟浩然 十四

吾愛孟夫子。風流天下聞。紅顏棄軒冕。白首卧松  
雲。醉月頻中聖。迷花不事君。高山安可仰。徒此揖  
清芬。

見京兆韋參軍量移東陽

潮水還歸海。流人却到吳。相逢問愁苦。淚盡日南  
珠。

贈韋侍御黃裳二首

太華生長松。亭亭凌霜雪。天與百尺高。豈為微颺  
折。桃李賣陽豔。路人行且迷。春光掃地盡。碧葉成

黃。沉願君學長松慎。勿作桃李受屈。不改心。然後  
知君子。

見君乘驄馬。知上太山道。此地果摧輪。全身以為  
寶。我如豐年玉。棄置秋田草。但勸水壺心。無為歎  
衰老。

古道照人得。朋友交勉之。誼勗君青松。心努力保  
霜雪。立言如此。可以不朽。

贈裴十四

朝見裴叔則。朗如行玉山。黃河落天走。東海萬里

寫入胸懷間。身騎白龍不敢度。金高南山買君顧。  
徘徊六合無相知。飄若浮雲且西去。

吳昌祺曰。有如生龍活虎。非世人所可駕馭。天  
實授之。豈人力耶。

贈清漳明府姪聿

我李百萬葉。柯條布中州。天開青雲器。日爲蒼生  
憂。小邑且割雞。大刀竹烹牛。雷聲動四境。惠與清  
漳流。弦歌詠唐堯。脫落隱簪組。心和得天真。風俗  
猶太古。牛羊散阡陌。夜寢不扃戶。問此何以然。賢

人宰吾土。舉邑樹桃李。垂陰亦流芬。河堤繞綠水。  
桑柘連青雲。趙女不治容。提籠晝成羣。繰絲鳴機  
杼。百里聲相聞。訟息鳥下堦。高卧披道帙。蒲鞭挂  
簷枝。示恥無撲扶。琴清月當戶。人寂風入室。長嘯  
無一言。陶然上皇逸。白玉壺冰水。壺中見底清。清  
光洞毫髮。皎潔照羣情。趙北美佳政。燕喃播高名。  
過客覽行謠。因之頌德聲。

天開青雲器。日爲蒼生憂。似范仲淹一流人物。心  
和得天真。以下循良之實。藹然可觀。爲民牧者直

當書之於座右

贈新平少年

韓信在淮陰。少年相欺凌。屈體若無骨。壯心有所憑。一遭龍顏君。嘯咤從此興。千金答漂母。萬古共嗟稱。而我竟何為。寒苦坐相仍。長風入短袂。兩手如懷冰。故友不相恤。新交寧見矜。摧殘檻中虎。羈縻韉上鷹。何時騰風雲。搏擊申所能。

鍾惺曰。屈體二句。可與老杜嚴僕射詩開口取。將相小心事。友生並看寫出。英俠本色。屈伸之

妙

口號贈徵君鴻自註此公時被徵

陶令辭彭澤。梁鴻入會稽。我尋高士傳。君與古人齊。雲卧留丹壑。天書降紫泥。不知揚伯起。早晚向關西。

格調高朗。盧鴻屢徵不起。故白詩云爾末句言其當應召也。以伯起期之。位置殊高。

范德機曰。律詩須守規矩。此等五言。何其嚴哉。唐書本傳。鴻博學善書。籀廬嵩山。開元初備禮。

李白 贈徵君鴻 秋日

微再不至五年再詔徵至東都拜諫議大夫固  
辭還山

秋日鍊藥院鑷白髮贈元六兄林宗

木落識歲秋。瓶冰知天寒。桂枝日已綠。拂雪凌雲  
端。弱齡接光景。矯翼攀鴻鸞。投分三十載。榮枯同  
所歡。長吁望青雲。鑷白坐相看。秋顏入曉鏡。壯髮  
凋危冠。窮與鮑生賈。饑從漂母餐。時來極天人道  
在。豈吟嘆樂毅方。適趙蘇秦初說韓。卷舒固在我  
何事空摧殘。

寫懷抱於實境。約緘逸於苦調。卽此可以下  
謝起句本之淮南子語意奇古

憶襄陽舊遊贈馬少府巨

昔爲大堤客。會上山公樓。開牕碧嶂滿。拂鏡滄江  
流。高冠佩雄劍。長揖韓荆州。此地別夫子。今來思  
舊遊。朱顏君未老。白髮我先秋。壯志恐蹉跎。功名  
若雲浮。歸心結遠夢。落日懸春愁。空思羊叔子。墮  
淚峴山頭。

落日懸春愁。自是千古雋句

對雪獻從兄虞城宰

昨夜梁園雪。弟寒兄不知。庭前看玉樹。腸斷憶連枝。

劉辰翁曰此詩首二語小夫賤隸誰不能道而學士大夫或愧之矣古今甚深密義往往於淺易得之藹然惻然可以感動

贈昇州王使君忠臣

六代帝王國。三吳佳麗城。賢人當重寄。天子借高名。巨海一邊靜。長江萬里清。應須救趙策。未肯棄

侯嬴

如五六語乃為不負重寄末以侯嬴自比寓意救趙蓋在天寶初亂後也

贈別從甥高五

魚目高泰山。不如一瑣璠。賢甥即明月。聲價動天門。能成吾宅相。不減魏陽元。自顧寡籌畧。功名安所存。五木思一擲。如繩繫窮猿。櫪中駿馬空。堂上醉人喧。黃金久已罄。為報故交恩。聞君隴西行。使我驚心魂。與爾共飄飄。雲天各飛翻。江水流或卷

此心難具論。貧家羞好客。語拙覺辭繁。三朝空錯  
莫對飯。却慚寬。自笑我非夫。生事多契濶。蓄積萬  
古憤。向誰得開豁。天地一浮雲。此身乃毫末。忽見  
無端倪。太虛可包括。去去何足道。臨岐空復愁。肝  
膽不楚越。山河亦衾裯。雲龍若相從。明主會見收。  
成功解相訪。溪水桃花流。

首道贈意。繼敘別情。白蓋與高最厚。善者自笑我  
非夫。一段開豁心胸。遐矚曠覽。沈鬱頓挫。意近村  
陵。從此一氣雙收。聲情倍振。使無後幅之雄健。

氣味衰颯矣。大家風格如是。

醉後贈從甥高鎮

馬上相逢。揖馬鞭。客中相見。客中憐。欲邀擊筑。悲  
歌飲。正值傾家無酒錢。江東風光。不借人。枉殺落  
花空。自春黃金。逐手快意盡。昨日破產。今朝貧。丈  
夫何事。空嘯傲。不如燒却頭上巾。君為進士。不得  
進。我被秋霜。生旅鬢。時清不及英豪人。三尺童兒  
重廉藺。匣中盤劍。裝鱒魚。閑在腰間。未用渠。且將  
換酒與君醉。醉歸託宿吳專諸。



有觸而鳴微露憤意醉後披寫自饒天趣

蕭士贇曰此太白少年任俠之作

李白上裴長史書曰昔東游維揚不逾一年散  
金三十餘萬有落魄公子悉皆濟之

贈秋浦柳少府

秋○浦○舊○蕭○索○公○庭○人○吏○稀○因○君○樹○桃○李○此○地○忽○芳○  
菲○搖○筆○望○白○雲○開○簾○當○翠○微○時○來○引○山○月○縱○酒○酣○  
清○暉○而○我○愛○夫○子○淹○留○未○忍○歸○

其人有爲政之實於一起見之

中丞宋公以吳兵三千赴河南軍次尋陽脫

予之囚叅謀幕府因贈之

獨○坐○清○天○下○專○征○出○海○隅○九○江○皆○渡○虎○三○郡○盡○還○  
珠○組○練○明○秋○浦○樓○船○入○郢○都○風○高○初○選○將○月○滿○欲○  
平○胡○殺○氣○橫○千○里○軍○聲○動○九○區○白○猿○慙○劍○術○黃○石○  
借○兵○符○戎○虜○行○當○剪○鯨○鯢○立○可○誅○自○憐○非○劇○孟○何○  
以○佐○良○圖○

劉辰翁曰句句壯末韻更佳

范德機曰發端雄渾而嚴真長律起辭也

胡震亨曰排律起句極宜冠冕雄渾不得作小家語如此篇之類最為得體

流夜郎贈辛判官

昔在長安醉花柳。五侯七貴同杯酒。氣岸遙凌豪士前。風流肯落他人後。夫子紅顏我少年。章臺走馬著金鞭。文章獻納麒麟殿。歌舞淹留玳瑁筵。與君自謂長如此。寧知草動風塵起。函谷忽驚胡馬來。秦宮桃李向明開。我愁遠謫夜郎去。何日金雞放赦回。

間轉振處甚健

蕭士贇曰向明者向陽花木之義指同時儕類如辛判官之輩因兵興之際不次被用為人桃李我獨遭謫也

贈常侍御

安石在東山無心濟天下。一起振橫流功成復瀟灑。大賢有卷舒季葉輕風雅。匡復屬何人君為知音者傳聞武安將氣振長平瓦燕趙期洗清周秦保宗社登朝若有言為訪南遷賈

往饒清剛之氣

贈易秀才

少年解長劍。投贈卽分離。何不斷犀象。精光暗往時。蹉跎君自惜。竄逐我因誰。地遠虞翻老。秋深宋玉悲。空摧芳桂色。不屈古松姿。感激平生意。勞歌寄此辭。

不屑屑。排比聲律。氣骨清蒼。自成高調。空摧芳桂色。不屈古松姿。所謂剗佩芳澤而昭質。未虧露本色。處故可諷咏不置。

經亂離後天恩流夜郎憶舊遊書懷贈江夏

韋太守良宰

天上白玉京。十二樓五城。仙人撫我頂。結髮受長生。誤逐世間樂。頗窮理亂情。九十六聖君。浮雲挂空名。天地賭一擲。未能忘戰爭。試涉霸王畧。將期軒冕榮。時命乃大謬。棄之海上行。學劍翻自哂。爲文竟何成。劍非萬人敵。文竊四海聲。兒戲不足道。五噫出西京。臨當欲去時。慷慨淚沾纓。歎君倜儻才。標舉冠羣英。開筵引祖帳。慰此遠徂征。鞍馬若

御憶舊遊書懷  
浮雲送余驟騎亭。歌鐘不盡意。白日落昆明。十月  
到幽州。戈鋌若羅星。君王棄北海。掃地借長鯨。呼  
吸走百川。燕然可摧傾。心知不得語。却欲棲蓬瀛。  
彎弧懼天狼。挾矢不敢張。攬涕黃金臺。呼天哭昭  
王。無人貴駿骨。駭耳空騰驤。樂毅儻再生。於今亦  
奔亡。蹉跎不得意。驅馬還貴鄉。逢君聽弦歌。蕭穆  
坐華堂。百里獨太古。陶然卧羲皇。徵樂昌樂館。開  
筵列壺觴。賢豪間青蛾。對燭儼成行。醉舞紛綺席。  
清歌繞飛梁。歡娛未終朝。秩滿歸咸陽。祖道擁萬

人。供帳遙相望。一別隔千里。榮枯異炎涼。炎涼幾  
度改。九土中橫潰。漢甲連胡兵。沙塵暗雲海。草木  
搖殺氣。星辰無光彩。白骨成邱山。蒼生竟何罪。函  
關壯帝居。國命懸哥舒。長戟三十萬。開門納克渠。  
公卿如犬羊。忠讜醢與菹。二聖出遊豫。兩京遂即  
墟。帝子許專征。秉旄控強楚。節制非桓文。軍師擁  
熊虎。人心失去就。賊勢騰風雨。惟君固房陵。誠節  
冠終古。僕卧香爐頂。餐霞漱瑤泉。門開九江轉。枕  
下五湖連。半夜水軍來。潯陽滿旌旃。旃空名適自誤。

李白

經亂離後天恩流夜

卷五之丙

迫。脇。上。樓。船。徒。賜。五。百。金。棄。之。若。浮。煙。辭。官。不。受。  
賞。翻。謫。夜。郎。天。夜。郎。萬。里。道。西。上。令。人。老。掃。蕩。六。  
合。清。仍。爲。負。霜。草。日。月。無。偏。照。何。由。訴。蒼。昊。良。牧。  
稱。神。明。深。仁。恤。交。道。一。豸。青。雲。客。三。登。黃。鶴。樓。顧。  
慙。爾。處。士。虛。對。鸚。鵡。洲。樊。山。霸。氣。盡。寥。落。天。地。秋。  
江。帶。峨眉。雪。川。橫。三。峽。流。萬。舸。此。中。來。連。帆。過。揚。  
洲。送。此。萬。里。目。曠。然。散。我。愁。紗。窓。倚。天。開。水。樹。綠。  
如。髮。窺。日。畏。銜。山。促。酒。喜。得。月。吳。娃。與。越。艷。窈。窕。  
誇。鉛。紅。呼。來。上。雲。梯。含。笑。出。簾。櫳。對。客。小。垂。手。羅。

衣。舞。春。風。賓。跪。請。休。息。主。人。情。未。極。覽。君。荆。山。作。  
江。鮑。堪。動。色。清。水。出。芙。蓉。天。然。去。雕。飾。逸。興。橫。素。  
襟。無。時。不。招。尋。朱。門。擁。虎。士。列。戟。何。森。森。剪。鑿。竹。  
石。開。縈。流。漲。清。深。登。臺。坐。水。閣。吐。論。多。英。音。片。辭。  
貴。白。璧。一。諾。輕。黃。金。謂。我。不。愧。君。青。鳥。明。丹。心。五。  
色。雲。間。鵲。飛。鳴。天。上。來。傳。聞。放。書。至。却。放。夜。郎。迴。  
暖。氣。變。寒。谷。炎。煙。生。死。灰。君。登。鳳。池。去。忽。棄。賈。生。  
才。策。大。尙。吹。堯。劍。奴。笑。千。秋。中。夜。四。五。歎。常。爲。大。  
國。憂。旌。旆。夾。兩。山。黃。河。當。中。流。連。雞。不。得。進。飲。馬。

空夷猶安得羿善射一箭落旄頭

亡之從璘辟也蘇軾辨其由於廼脇論甚平允此篇歷叙交遊始末而白生平踪跡亦畧見於此十月到幽州一段蓋白自被放後北遊燕趙觀聽形勢知祿山之必叛尾夫不掉之害欲言不能述之猶覺痛切至於潼關失守江陵煽亂與白之爲所所脇受累遠謫無不明如指掌結尾一段慮廟之之無人憂將帥之不一而賊之不得速平與前番相照應通篇以交情時勢互爲經緯汪洋灑灑

百川之灌河如長江之走海卓乎大篇可與北征

並峙

胡震亨曰太白永王璘一事論者不失之刻即曲爲諱失之誣惟蔡寬夫之說爲畏其言云太白非從人爲亂者蓋其學本出縱橫以氣俠自任當中原擾攘時欲藉之以立奇功耳其詩曰空名適自誤廼脇上樓船又曰南風一掃胡塵淨西入長安到日邊亦可見其志矣大抵才高意廣如孔北海之徒固未必有成功而知人料

事尤其所難議者或責以璘之猖獗而欲仰以  
立事不能如孔巢父蕭穎士察於未萌斯可矣  
若其志亦可哀矣期言也起太白於九原倘亦  
心服

贈漢陽輔錄事

鸚鵡洲橫漢陽渡水引寒煙沒江樹南浦登樓不  
見君君今罷官在何處漢口雙魚白錦鱗令傳尺  
素報情人其中字數無多少祇是相思秋復春  
煙江風景登樓所見即此發端接出懷人之意

有氣格

贈盧司戶

秋色無遠近出門盡寒山白雲遙相識待我蒼梧  
間借問盧耽鶴西飛幾歲還

高調妙於省淨

譚元春曰起二句後代清語領此一派

贈從弟南平太守之遙

少年不得意落魄無安居願隨任公子欲釣吞舟  
魚常時飲酒逐風景壯心遂與功名疎蘭生谷底

人不鋤雲在高山空卷舒漢家天子馳駟馬赤車  
蜀道迎相如天門九重謁聖人龍顏一解四海春  
彤庭左右呼萬歲拜賀明主收沉淪翰林秉筆回  
英眇麟閣崢嶸誰可見承恩初入銀臺門著書獨  
在金鑾殿龍駒雕鏤白玉鞍象牀綺席黃金盤當  
時笑我微賤者却來請謁爲交歡一朝謝病遊江  
海疇昔相知幾人在前門長揖後門關今日結交  
明日改愛君山岳心不移隨君雲霧迷所爲夢得  
池塘生春草使我長價登樓詩別後遙傳臨海作

可見羊何共和之

炎而附寒而去自是俗情之薄翟公書門殷浩咏  
詩曰何見之晚耶蘭生谷底二句逸韻可賞復有  
深味末四語用古入化別具清新之致

流夜郎半道承恩放還兼欣剋復之美書懷

示息秀才

黃口爲人羅白龍乃魚服得罪豈怨天以愚陷網  
目鯨鯢未剪滅豺狼屢翻復悲作楚地囚何日秦  
庭哭遭逢二明主前後兩遷逐去國愁夜郎投身



竄荒谷半道雪屯蒙曠如鳥出籠遙欣剋復美光  
 武安可同天子巡劍閣備皇守扶風揚袂正北辰  
 開襟攬羣雄胡兵出月窟雷破關之東左掃因右  
 拂旋收洛陽宮迴輿入咸京席卷六合通叱咤開  
 帝業手成天地功大駕還長安兩日忽再中一朝  
 讓寶位劍璽傳無窮媿無秋毫力誰念矍鑠翁弋  
 者何所慕高飛仰冥鴻棄劍學丹砂臨鑪雙玉童  
 寄言息夫子歲晚陟方蓬  
 引罪自咎無怨尤之心有瞻顧之誠不失忠臣

巨

宿清溪主人

夜到清溪宿主人碧巖裏簷楹挂星斗枕席響風  
 水月落西山時啾啾夜猿起  
 奇語得自眼前

巴陵贈賈舍人

賈生西望憶京華湘浦南遷莫怨嗟聖主恩深漢  
 文帝憐君不遣到長沙

可謂深婉蕭士贇以此與前篇為非白作觀其氣

御選唐詩卷五

宿清溪主人 贈賈

卷五之五

味非白不辨

贈從弟宣州長史昭

淮南望江南千里碧山對我行倦過之半落青天  
外宗英佐雄郡水陸相控帶長川豁中流千里瀉  
吳會君心亦如此包納無小大搖筆起風霜推誠  
結仁愛訟庭垂桃李賓館羅軒蓋何意蒼梧雲飄  
然忽相會才將聖不偶命與時俱背獨立山海間  
空老聖明代知音不易得撫劍增感慨當結九萬  
期中途莫先退

陳情贈友人

延陵有寶劍價重千黃金觀風歷上國暗許故人  
深歸來挂墳松萬古知其心懦夫感達節壯士激  
青衿鮑生薦夷吾一舉置齊相斯人無良朋豈有  
青雲望臨財不苟取推分固辭讓後世稱其賢英  
風邈難尚論交但若此友道孰云喪多君騁逸藻  
掩映當時人舒文振頽波秉德冠彝倫卜居乃此  
地共井爲比隣清琴弄雲月美酒娛冬春薄德中  
見捐忽之如遺塵英豪未豹變自古多艱辛他人

縱以疎君意。直獨親奈何。成離居相去。復幾許。飄  
 風吹雲霓。蔽目不得語。投珠冀相報。按劍恐相距。  
 所思採芳蘭。欲贈隔荆渚。沈憂心若醉。積恨淚如  
 雨。願假東壁輝。餘光照貧女。

披露胸懷不作齷齪之態。敘乖隔處。極為微婉。得  
 風人之意。

贈錢徵君少陽

白玉一杯酒。綠楊三月時。春風餘幾日。兩鬢各成  
 絲。秉燭唯須飲。投竿也未遲。如逢渭川獵。猶可帝

王師

登敬亭山南望懷古贈竇主簿

敬亭一廻首。目盡天南端。仙者五六人。常聞此遊  
 盤。谿流琴高水。石聳麻姑壇。白龍降陵陽。黃鶴呼  
 子安。羽化駒日月。雲行翼鴛鸞。下視宇宙間。四溟  
 皆波瀾。汰絕目下事。從之復何難。百歲落半途。前  
 期浩漫漫。疆食不放味。清晨起長歎。願隨子明去。  
 鍊火燒金丹。

經亂後將避地剡中留贈崔宣城

御選唐詩

卷五

李白

登敬亭山贈竇主簿

三十

卷五之三

雙鵝飛洛陽。五馬渡江徼。何意上東門。胡雛更長嘯。中原走豺虎。烈火焚宗廟。太白晝經天。頽陽掩餘照。王城皆蕩覆。世路成奔峭。四海望長安。嚙眉寡西笑。蒼生疑落葉。白骨空相吊。連兵似雪山。破敵誰能料。我垂北溟翼。且學南山豹。崔子賢主人。歡娛每相召。胡床紫玉笛。却坐青雲叫。楊花滿州城。置酒同臨眺。忽思剡溪去。水石遠清妙。雪盡天地明。風開湖山貌。悶為洛生詠。醉發吳越調。赤霞動金光。日足森海嶠。獨散萬古意。閑垂一溪釣。猿

近天上。啼人移月邊。懼無以墨綬。苦來求丹砂。要華髮長折腰。將貽陶公誦。

奇辭絡繹行以蒼峭之氣直達所懷絕無長語謝朓驚人此故不減

楊慎曰梁虞騫詩落暉散長足細雨織斜文太白亦用其字然其驚人泣鬼則劉勰所謂自鑄偉辭前無古人者乎  
吳昌祺曰悲壯處亦七哀之遺

御選唐宋詩醇卷之六  
上乘典藉之嚴奉賦尚  
隴西李白詩六  
目録  
獻從叔當塗宰陽冰  
贈汪倫  
安陸白兆山桃花岳寄劉侍御綰  
淮南卧病書懷寄蜀中趙徵君契  
望終南山寄紫閣隱者  
秋夜宿龍門香山寺奉寄王方城十七丈奉

御選唐宋詩醇卷之六

隴西李白詩六

目録

獻從叔當塗宰陽冰

贈汪倫

安陸白兆山桃花岳寄劉侍御綰

淮南卧病書懷寄蜀中趙徵君契

望終南山寄紫閣隱者

秋夜宿龍門香山寺奉寄王方城十七丈奉

國營上人從弟幼成令問

汝邱城下寄杜甫

淮陰書懷寄王宗城

聞王昌齡左遷龍標遙有此寄

憶舊遊寄譙郡元參軍

月夜江行寄崔員外宗之

宿白鷺洲寄楊江寧

新林浦阻風寄友人

寄韋南陵冰余江上乘興訪之遇尋顏尚書

笑有此贈

題情深樹寄象公

壯山獨酌寄韋六

寄東魯二稚子

獨酌清溪江石上寄權昭夷

禪房懷友人岑倫

廬山謠寄盧侍御虛舟

春日歸山寄孟浩然

流夜郎至西塞驛寄裴隱

自漢陽病酒歸寄王明府

江夏寄漢陽輔錄事

早春寄王漢陽

江上寄元六林宗

涇溪南藍山下有落星潭可以卜築余泊舟

石上寄何判官昌浩

早過漆林渡寄萬巨

游敬亭寄崔侍御

自金陵泝流過白壁山翫月達天門寄句容

王主簿

秋日魯郡堯祠亭上宴別杜補闕范侍御

別魯頌

夢遊天姥吟留別

留別廣陵諸公

金陵酒肆留別

贈別鄭判官

黃鶴樓送孟浩然之廣陵

留別賈舍人至

送友人  
渡荆門送別

南陵別兒童入京

江夏別宋之悌

南陽送客

送張舍人之江東

送王屋山人魏萬還王屋

送友人尋越中山水

魯郡堯祠送竇明府薄華還西京

金鄉送韋八之西京

魯郡東石門送桂二甫

灞陵行送別

送裴十八圖南歸嵩山

同王昌齡送族弟襄歸桂陽

送崔度還吳

金陵送張十一再遊東吳



御選唐宋詩醇卷之六  
隴西李白詩六  
獻從叔當塗宰陽水

御選唐宋詩醇卷之六

隴西李白詩六

獻從叔當塗宰陽水

金鏡。靈六國。亡新創。天經。焉知。高光起。自有。羽翼。生。蕭曹。安。峴。岬。耿。賈。摧。槐。槍。吾。家。有。季。父。傑。出。聖。代。英。雖。無。三。台。位。不。借。四。豪。名。激。昂。風。雲。氣。終。協。龍。虎。精。弱。冠。燕。趙。來。賢。彥。多。逢。迎。魯。連。善。設。笑。季。布。折。公。卿。遙。知。禮。數。絕。常。恐。不。合。并。惕。想。結。宵。夢。素。心。久。已。冥。顧。慙。青。雲。器。謬。奉。玉。樽。傾。山。陽。五。百。

年綠竹忽再榮。高歌振林木。大笑喧雷霆。落筆灑  
篆文。崩雲使人驚。吐辭又炳煥。五色羅華星。秀句  
滿江國。高才掞天庭。宰邑艱難時。浮雲空古城。居  
人若薙草。掃地無纖莖。惠澤及飛走。農夫盡歸耕。  
廣漢水。萬里長流玉。琴聲雅頌播。吳越還如泰。階  
平。小子別金陵。來時白下亭。群鳳憐客鳥。差池相  
哀鳴。各拔五色毛。意重泰山輕。贈微所費廣。斗水  
澆長鯨。彈劍歌苦寒。嚴風起前楹。月銜天門曉。霜  
落牛渚清。長歎卽歸路。臨川空屏營。

贈汪倫

李白乘舟將欲行。忽聞岸上踏歌聲。桃花潭水深  
千尺。不及汪倫送我情。

楊齊賢曰。白遊涇縣桃花潭。村人汪倫常醞美酒。以待白倫之裔孫。至今賣其詩。

安陸白兆山桃花岫寄劉侍御綰

雲卧三十年。好閑復愛仙。蓬壺雖冥絕。鸞鶴心悠  
然。歸來桃花岫。得憩雲窻眠。對嶺人共語。飲潭猿  
相迎。時昇翠微上。逸看羅浮巔。兩岑抱東壑。一嶂

橫西天樹雜日易隱崖傾月難圓芳草換野色飛蘿搖春煙入遠構石室選幽開上田獨此林下意杳無區中緣永辭霜臺客千載方來旋

此等篇詠與鮑參軍謝宣城自是神合不徒形似

淮南卧病書懷寄蜀中趙徵君

吳會一浮雲飄如遠行客功業莫從就歲光屢奔迫良圖俄棄捐衰疾乃綿劇古琴藏虛匣長劍挂空壁楚冠懷鍾儀越吟比莊鳥國門遙天外鄉路遠山隔朝憶相如臺夜夢子雲宅旅情初結緝秋

氣方寂歷風入松下清露出草間白故人不可見

幽夢誰與適寄書西飛鴻贈爾慰離析

亦是宣城一派視移病還園示親屬詩有過之無不及也

楊慎曰太白渡荆門詩仍連故鄉水萬里送行舟送人之羅浮詩爾去之羅浮余還憇峩峩及此詩國門遙天外四句皆寓鄉思

楊慎曰趙蕤梓州人精於數學蘓頌薦西蜀人才云趙蕤術數李白文章宋人注李詩遺其事

望終南山寄紫閣隱者

出門見南山。引領意無限。秀色難爲名。蒼翠日在  
眼。有時白雲起。天際自舒卷。心中與之然。託興每  
不淺。何當造幽人。滅跡棲絕巘。

浚雅自然處神似淵明白雲天際無心舒卷白詩  
效有其意

秋夜宿龍門香山寺奉寄王方城十七丈奉

國營上人從弟幼成令問

朝發汝海東。暮棲龍門中。水寒夕波急。本落秋山

空望極。九霄迴賞幽。萬壑通。目皓沙上月。心清松  
下風。玉斗橫網戶。銀河耿花宮。興在趣方逸。歡餘  
情未終。鳳駕憶王子。虎溪懷遠公。桂枝坐蕭瑟。棣  
華不復同。流恨寄伊水。盈盈焉可窮。

沙邱城下寄杜甫

我來竟何事。高臥沙邱城。城邊有古樹。日夕連秋  
聲。魯酒不可醉。齊歌空復情。思君若汶水。浩蕩寄  
南征。

白與杜甫相知最深飯顛山頭一絕本事詩及西

明雜俎載之。蓋流俗傳聞之說。白集無是也。鮑庚陰何詞流所重。李杜實嘗宗之。特所成就者大。不寄其籬下耳。安得以爲譏議之辭乎。甫詩及白者。十餘見。白詩亦屢及甫。卽此結語。情亦不薄矣。世俗輕誣古人。徃徃類是。尚論者當知之。

鍾惺曰：一片真氣。

沈德潛曰：有餘地。有餘情。此詩家正聲也。浮淺者以爲無味。

淮陰書懷寄王宗城

沙。墩。至。梁。苑。二。十。五。長。亭。大。舶。夾。雙。艫。中。流。鵝。鶴。鳴。雲。天。掃。空。碧。川。嶽。涵。餘。清。飛。鳧。從。西。來。適。與。佳。興。并。卷。言。王。喬。舄。媿。變。故。人。情。復。此。親。懿。會。而。增。交。道。榮。沿。澗。且。不。定。飄。忽。悵。徂。征。暝。接。淮。陰。宿。欣。得。漂。毋。迎。斗。酒。烹。黃。雞。一。餐。感。素。誠。予。爲。楚。壯。士。不。是。魯。諸。生。有。德。必。報。之。千。金。耻。爲。輕。緬。書。羈。旅。意。遠。寄。擢。歌。聲。

一起真有萬夫之稟。呂本中稱此篇與關山月爲氣雄一世非虛言也。

聞王昌齡左遷龍標遙有此寄

楊花落盡子規啼。聞道龍標過五溪。我寄愁心與明月。隨風直到夜郎西。

胡應麟曰此詩及下江陵洛陽聞笛望天門山等作真有揮斥八極凌厲九霄之意

沈德潛曰卽將心寄明月流影入君懷之意出以搖曳之筆語意一新

憶舊遊寄譙郡元參軍

憶昔洛陽董糟邱爲余天津橋南造酒樓黃金白

壁買歌笑一醉累月輕王侯海內賢豪青雲客就中與君心莫逆迴山轉海不作難傾情倒意無所惜我向淮南攀桂枝君留洛北愁夢思不忍別還相隨相隨迢迢訪仙城三十六曲水迴縈一溪初入千花明萬壑度盡松風聲銀鞍金絡倒平地漢東太守來相迎紫陽之真人邀我吹玉笙餐霞樓上動仙樂嘈然宛似鸞鳳鳴袖長管催欲輕舉漢中太守醉起舞手持錦袍覆我身我醉橫眠枕其股當筵意氣凌九霄星離雨散不終朝分飛楚關

山水遙余既還山尋故巢君亦歸家渡渭橋君家  
 巖君勇貔虎作尹并州過戎虜五月相呼度太行  
 摧輪不道羊腸苦行來北涼歲月深感君貴義輕  
 黃金瓊杯綺食清玉案使我醉飽無歸心時時出  
 向城西曲晉祠流水如璧玉浮舟弄水簫鼓鳴微  
 波龍鱗蒨草綠興來携妓恣經過其若楊花似雪  
 何紅粧欲醉宜斜日百尺清潭寫翠娥翠娥嬋娟  
 初月輝美人更唱舞羅衣清風吹歌入空去歌曲  
 自繞行雲飛此時行樂難再遇西遊因獻長楊賦

北闕青雲不可期東山白首還歸去渭橋南頭一  
 遇君鄧臺之北又離羣問余別恨知多少落花春  
 暮爭紛紛言亦不可盡情亦不可極呼兒長跪緘  
 此辭寄君千里遙相憶

白詩天才縱逸至於七言長古往往風雨爭飛魚  
 龍百變又如大江無風波浪自湧白雲從空隨風  
 變滅誠可謂怪偉奇絕者矣此篇最有紀律可循  
 歷數舊遊純用序事之法以離合為經緯以轉折  
 為節奏結構極嚴而神氣自暢至於奇情勝致使

御選唐詩 卷之六 李白 月夜江行寄崔員外

覽者應接不暇又其才之獨擅者耳

唐汝詢曰此篇敘事四轉語若貫珠又非初唐牽合之比長篇當以此為法

吳昌祺曰長篇步步奇崛蒼勁亦天然筆力也楊齊賢曰唐地理志亳州譙郡有鄴縣鄴才何切蕭何子孫所續封何所封音贊漢屬南陽郡

月夜江行寄崔員外宗之

飄飄江風起蕭颯海樹秋登艫美清夜挂席移輕舟月隨碧山轉水合青天流杳如星河上但覺雲

林幽歸路方浩浩徂川去悠悠徒悲蕙草歇復聽菱歌愁岸曲迷後浦沙明瞰前洲懷君不可見望遠增離憂

可謂工於發端警句亦且逼二謝

宿白鷺洲寄楊江寧

朝別朱雀門暮棲白鷺洲波光搖海月星影入城樓望美金陵宰如思瓊樹憂徒令魂入夢翻覺夜成秋綠水解人意為余西北流因聲玉琴裏蕩漾寄君愁



節諧語警

新林浦阻風寄友人

潮。水。定。可。信。天。風。難。與。期。清。晨。西。北。轉。薄。暮。東。南。  
吹。以。此。難。挂。席。佳。期。益。相。思。海。月。破。圓。影。菰。蔣。生。  
綠。池。昨。日。北。湖。梅。開。花。已。滿。枝。今。朝。東。門。柳。夾。道。  
垂。青。絲。歲。物。忽。如。此。我。來。定。幾。時。紛。紛。江。上。雪。草。  
草。客。中。悲。明。發。新。林。浦。空。吟。謝。朓。詩。

起勢奇崛寄懷處不勝晷晚之歎

寄韋南陵冰余江上乘興訪之遇尋顏尚書

笑有此贈

南。船。正。東。風。北。船。來。自。緩。江。上。相。逢。借。問。君。語。笑。  
未。了。風。吹。斷。聞。君。携。妓。訪。情。人。應。爲。尚。書。不。顧。身。  
堂。上。三。千。珠。履。客。甕。中。百。斛。金。陵。春。恨。我。阻。此。樂。  
淹。留。楚。江。濱。月。色。醉。遠。客。山。花。開。欲。然。春。風。狂。殺。  
人。一。日。劇。三。年。乘。興。嫌。太。遲。焚。却。子。猷。船。夢。見。五。  
柳。枝。已。堪。挂。馬。鞭。何。日。到。彭。澤。長。歌。陶。令。前。

其工  
語笑未了風吹斷畫出兩舟相遇情景鍾惺極賞

題情深樹寄象公

腸斷枝上猿。淚添山下樽。白雲見我去。亦爲我飛翻。

古意然必有所謂。不必強解。或以白雲爲白虎引。周處射虎事實之更屬純繆。

北山獨酌寄韋六

巢父將許由。未聞買山隱。道存跡自高。何憚去人近。紛吾下茲嶺。地閑喧亦泯。門橫羣岫開。水鑿眾泉引。屏高而在雲。竇深莫能準。川光晝昏凝。林氣

夕。淒。繁。於。焉。摘。朱。果。兼。得。養。立。此。坐。月。觀。寶。書。拂。霜。弄。瑤。珍。傾。壺。事。幽。酌。顧。影。還。獨。盡。念。君。風。塵。游。傲。爾。令。自。晒。

鮑謝集中高作

寄東魯二稚子

吳地桑葉綠。吳蠶已三眠。我家寄東魯。誰種龜陰田。春事已不及。江行復茫然。南風吹歸心。飛墮酒樓前。樓東一株桃。枝葉拂青煙。此樹我所種。別來向三年。桃今與樓齊。我行尚未旋。嬌女字平陽。折

花倚桃邊折花不見我淚下如流泉小兒名伯禽  
與姊亦齊肩雙行桃樹下撫背復誰憐念此失次第  
肝腸日憂煎裂素寫遠意因之汶陽川

范杼曰天下喪亂骨肉分離此老杜詠懷入門  
號咷以下意也然彼合此離彼有哭其死此則  
憐其生彼兼時事此乃單咏要皆憂思之正者  
也

沈德潛曰家常語瑣瑣屑屑彌見其真

廣記曰太白於任城縣造酒樓其居在酒樓前

獨酌清溪江石上寄權昭夷

我携一樽酒獨上江祖石自從天地開更長幾千  
尺舉杯向天笑天迴日西照永願坐此石長垂巖  
陵釣寄謝山中人可與爾同調

禪房懷友人岑倫

自註時南遊羅浮兼泛桂海自春徂秋不返僕旅江

外書情寄之

嬋娟羅浮月搖艷挂水雲美人竟獨往而我安得  
羣一朝語笑隔萬里懽情分沉吟絲霞沒夢寐羣  
芳歇歸鴻渡三湘遊子在百粵邊塵染衣劔白日

御選唐詩

卷六

李白獨酌清溪江石上寄權昭夷

十一

六卷上

彫華髮。春風變楚關。秋聲落吳山。草木結悲緒。風  
沙淒苦顏。竭來已永久。頽思如循環。飄飄限江裔。  
想像空流滯。離憂每醉心。別淚徒盈袂。坐愁青天  
末。出望黃雲蔽。目極何悠悠。梅花南嶺頭。空長滅  
征鳥水。弔無還。舟寶劍終難託。金囊非易求。歸來  
儻有問。桂樹山之幽。

稱心而言意足而止情深語摯老筆紛披

廬山謠寄盧侍御虛舟

我本楚狂人。鳳歌笑孔丘。手持綠玉杖。朝別黃鶴

樓。五嶽尋仙不辭遠。一生好入名山遊。廬山秀出  
南斗傍。屏風九疊雲錦張。影落明湖青黛光。金闕  
前開二峰長。銀河倒挂三石梁。香爐瀑布遙相望。  
迴崖沓嶂凌蒼蒼。翠影紅霞映朝日。鳥飛不到吳  
天長。登高壯觀天地間。大江茫茫去不還。黃雲萬  
里動風色。白波九道流雪山。好爲廬山謠興因廬  
山發。閑窺石鏡清我心。謝公行處蒼苔沒。早服還  
丹無世情。琴心三疊道初成。遙見仙人綵雲裏。手  
把芙蓉朝玉京。先期汗漫九垓上。願接盧敖遊太

清

天馬行空不可羈

桂臨川日全篇開闔軼蕩冠絕古今即使工部  
爲之未易及此高岑輩恐亦脅息其襟期雄曠  
辭旨慷慨音節瀏亮無一不可

春日歸山寄孟浩然

朱紱遺塵境青山謁梵筵金繩開覺路寶筏度迷  
川嶺樹攢飛栱岳花覆谷泉塔形標海月樓勢出  
江煙香氣三天下鐘聲萬壑連荷秋珠已滿松密

蓋初圓鳥聚疑聞法龍參若護禪媿非流水韻叨  
入伯牙弦

方回曰太白負不羈之才樂府大篇翕忽變化  
而律詩乃工夫縝密如此杜審言宋之間相伯  
仲

道經三天者清微天禹餘天大赤天也

流夜郎至西塞驛寄裴隱

揚帆借天風水驛苦不緩平明及西塞已先投沙  
伴迴巒引羣峰橫楚山斷砵衝萬壑會震雷百

李太白

李白

流夜郎至西塞驛寄

川。滿。龍。怪。潛。滇。波。俟。時。救。災。旱。我。行。望。雷。雨。安。得。  
霑。枯。散。鳥。去。天。路。長。人。愁。春。光。短。空。將。澤。畔。吟。寄。  
爾。江。南。管。

自漢陽病酒歸寄王明府

去。歲。左。遷。夜。郎。道。琉。璃。硯。水。長。枯。槁。今。年。救。放。巫。  
山。陽。蛟。龍。筆。翰。生。輝。光。聖。主。還。聽。子。虛。賦。相。如。却。  
與。論。文。章。願。掃。鸚。鵡。洲。與。君。醉。百。塲。嘯。起。白。雲。飛。  
七。澤。歌。吟。淥。水。動。三。湘。莫。惜。連。船。沽。美。酒。千。金。一。  
擲。買。春。芳。

平生飛動意見爾不能無胸懷正復如此

江夏寄漢陽輔錄事

誰。道。此。水。廣。狹。如。一。匹。練。江。夏。黃。鶴。樓。青。山。漢。陽。  
縣。大。語。猶。可。聞。故。人。難。可。見。君。草。陳。琳。檄。我。書。魯。  
連。箭。報。國。有。壯。心。龍。顏。不。廻。眷。西。飛。精。衛。鳥。東。海。  
何。由。填。鼓。角。徒。悲。鳴。樓。船。習。征。戰。抽。劒。步。霜。月。夜。  
行。空。庭。徧。長。呼。結。浮。雲。埋。沒。顧。榮。扇。他。日。觀。軍。容。  
投。壺。接。高。宴。

早春寄王漢陽

聞道春還未相識。走傍寒梅訪消息。昨夜東風入武陽。陌頭楊柳黃金色。碧水浩浩雲茫茫。美人不來空斷腸。預拂青山一片石。與君連日醉壺觴。秀骨天成偶然涉。筆無不入妙。

江上寄元六林宗

霜落江始寒。楓葉綠未脫。客行悲清秋。永路苦不達。滄波助川汜。白日隱天末。停櫂依林巒。驚猿相叫聒。夜分河漢轉。起視溟漲濶。涼風何蕭蕭。流水鳴活活。浦沙淨如洗。海月明可掇。蘭交空懷思。瓊

樹詎解渴。勗哉滄洲心。歲晚庶不奪。幽賞頗自得。興遠與誰豁。

涇溪南藍山下有落星潭可以卜築余泊舟

石上寄何判官昌浩

藍岑竦天壁。突兀如鯨額。奔蹙橫澄潭。勢吞落星石。沙帶秋月明。水搖寒山碧。佳境宜緩擢。清輝能留客。恨君阻歡遊。使我自驚惕。所期俱卜築。結茅鍊金液。

早過漆林渡寄萬巨

西經太藍山南來漆林渡。水色倒空青。林煙橫積  
 素。漏流昔吞翁。沓浪蕩奔注。潭落天上星。龍開水  
 中霧。崑巖注公柵。突兀陳焦墓。嶺峭紛上千川明。  
 屢迴顧。因思萬夫子。解渴同瓊樹。何日覩清光。相  
 歡詠佳句。

游敬亭寄崔侍御

我家敬亭下。輒繼謝公作。相去數百年。風期宛如  
 昨。登高素秋月。下望青山郭。俯視鴛鴦羣。飲啄自  
 鳴躍。夫子雖蹭蹬。瑤臺雪中鶴。獨立窺浮雲。其心

在寥廓。時來顧我笑。一飯葵與藿。世路如秋風。相  
 逢盡蕭索。腰間玉具劍。意許無遺諾。壯士不可輕  
 相期在雲閣。

自金陵沂流過白壁山翫月達天門寄句容王主簿

滄江沂流歸白壁。見秋月。秋月照白壁。皓如山陰  
 雪。幽人停宵征。賈客忘早發。進帆天門山。廻首牛  
 渚沒。川長信風來。日出宿霧歇。故人在咫尺。新賞  
 成胡越。寄君青蘭花。惠我庶不絕。



白寄人之詩大致泛濫於元嘉以還此前諸篇皆是也白嘗謂建安以來綺麗非珍蓋亦大概言之至其間表表諸人曷嘗不歷闈入室相與周旋出人乎特才實邁古故大而化之其淵源有自來矣杜甫亦復如是詞人落筆往往過當甫嘗云陶謝不枝梧他日則云安得思如陶謝手令渠述作與同遊後人過尊二家或欲盡薄從前非通論也

秋日魯郡堯祠亭上宴別杜補闕范侍御我覺秋興逸誰云秋興悲山將落日去水與晴空

宜魯酒白玉壺送行駐金羈歇鞍憇古木解帶挂橫枝歌鼓川上亭曲度神飈吹雲歸碧海夕鴈沒青天時相失各萬里茫然空爾思飄然而來戛然而止格調高逸有如鵬翔未息翩而自逝

胡震亨曰大白詩押宜字韻者凡五見此其一也他如月色望不盡空天交相宜蒨浪偏相宜置酒正相宜春風與醉客今日乃相宜韻致俱勝

段成式曰李集有堯祠贈杜補闕者老杜也

別魯頌

誰道泰山高下却魯連節誰云秦軍衆摧却魯連  
舌獨立天地間清風灑蘭雪夫子還倜儻攻文繼  
前烈錯落石上松無爲秋霜折贈言鏤寶刀千歲  
庶不滅

與堯祠宴別二詩皆極清健太冲挺拔景純豪備  
非滄陸諸人之比

劉辰翁曰上六句意象高迥自切事情結末古

意選語

夢遊天姥吟留別

海客談瀛洲煙濤微茫信難求越人語天姥雲霓  
明滅或可覩天姥連天向天橫勢拔五嶽掩赤城  
天台四萬八千丈對此欲倒東南傾我欲因之夢  
吳越一夜飛度鏡湖月湖月照我影送我至剡溪  
謝公宿處今尚在淥水蕩漾清猿啼脚著謝公屐  
身登青雲梯半壁見海日空中聞天雞千巖萬轉  
路不定迷花倚石忽已暝熊咆龍吟殷巖泉慄深

林兮驚層巔。雲青青兮欲雨。水澹澹兮生煙。列缺  
霹靂。邱巒崩摧。洞天石扇。訇然中開。青冥浩蕩不  
見底。日月照耀金銀臺。霓爲衣兮風爲馬。雲之君  
兮紛紛而來下。虎鼓瑟兮鸞迴車。仙人兮列如  
麻。忽魂悸以魄動。恍驚起而長嗟。惟覺時之枕席  
失。向來之煙霞。世間行樂亦如此。古來萬事東流  
水。別君去時何時還。且放白鹿青崖間。須行即騎  
訪名山。安能摧眉折腰事權貴。使我不得開心顏。  
七言歌行本出楚騷樂府至於太白然後窮極筆

力優入聖域。昔人謂其以氣爲主。以自然爲宗。以  
俊逸高暢爲貴。咏之使人飄揚欲仙。而尤推其天  
姥吟。遠別離等篇。以爲雖子美不能道。蓋其才橫  
絕。一世故興會標舉。非學可及。正不必執此謂子  
美不能及也。此篇天矯離奇。不可方物。然因語而  
夢。因夢而悟。因悟而別。節次相生。絲毫不亂。若中  
閨夢境。迷離不過。詞意偉怪。耳胡應麟以爲無首  
無尾。窈冥昏默。是真不可以說夢也。特謂非其才  
力學之。立見顛踣。則誠然耳。

范杼曰夢吳越以下夢之源也次諸節夢之波  
瀾也其間顯而晦晦而顯非太白之胸次筆力  
亦不能發此

高棟曰白遠別離長相思烏桺曲鳴率歌梁園  
吟天姥吟廬山謠等作長篇短韻驅駕氣勢殆  
與南山秋色爭高可也

王世貞曰歐陽公自謂廬山高明妃曲李杜所  
不能作非公言也無論其他只半壁見海日空  
中聞天雞率爾語公能道否

留別廣陵諸公

憶昔作少年。結交趙與燕。金羈絡駿馬。錦帶橫龍  
泉。寸心無疑事。所向非徒然。晚節覺此踈。獵精草  
太玄。空名束壯士。薄俗棄高賢。中回聖明顧。揮翰  
凌雲煙。騎虎不敢下。攀龍忽墮天。還家守清貞。孤  
潔勵秋蟬。鍊丹費火石。採藥窮山川。卧海不闕人。  
租稅遼東田。乘興忽復起。擢歌溪中船。臨醉謝葛  
強。山公欲倒鞭。狂歌自此別。垂釣滄浪前。

金陵酒肆留別

風吹柳花滿店香。吳姬壓酒喚客嘗。金陵子弟來相送。欲行不行各盡觴。請君試問東流水。別意與之誰短長。

言有盡而意無窮。味在酸醜之外。

黃庭堅曰：學者苦不見古人用意處，但得其皮毛，所以去之甚遠。如此詩，若人復能為首句，亦未是太白。至於次句壓酒字，他人亦自難及。三四句益不同。五六句乃真太白妙處，當潛心焉。鍾惺曰：不須多，亦不須深，寫得情出。

贈別鄭判官

竄逐勿復哀。慚君問寒灰。浮雲本無意。吹落章華臺。遠別淚空盡。長愁心已摧。二年吟澤畔。顛顛幾時迴。

黃鶴樓送孟浩然之廣陵

故人西辭黃鶴樓。煙花三月下揚州。孤帆遠影碧空盡。唯見長江天際流。

辭近情遙。有手揮五弦。目送飛鴻之妙。

唐汝詢曰：目力已極，離思無涯，悵望之情俱在。

言外

留別賈舍人至

大梁白雲起。飄飄來南洲。裴回蒼梧野。十見羅浮秋。  
 鼇抃山海傾。四溟揚洪流。意欲託孤鳳。從之摩天遊。  
 鳳苦道路難。翔翔還崑邱。不肯銜我去。哀鳴慙不周。  
 遠客謝主人。明珠難暗投。拂拭倚天劍。西登岳陽樓。  
 長嘯萬里風。掃清胸中憂。誰念劉越石。化爲繞指柔。  
 秋風吹胡霜。凋此簷下芳。折芳怨歲晚。離別悽以

傷。謬攀青瑣賢。延我於北堂。君爲長沙客。我獨之夜郎。  
 勸此一杯酒。豈惟道路長。割珠兩分贈。寸心貴不忘。  
 何必兒女仁。相看淚成行。

深於比喻乃騷人之遺意其音哀婉情景正合

渡荆門送別

渡遠荆門外。來從楚國遊。山隨平野盡。江入大荒流。  
 月下飛天鏡。雲生結海樓。仍連故鄉水。萬里送行舟。

項聯與杜甫之星垂平野澗月湧大江流句法相

類亦氣勢均敵胡震亨以杜爲勝亦故爲低昂耳

南陵別兒童入京

白酒新熟山中歸黃雞啄黍秋正肥呼童烹雞酌  
白酒兒女嬉笑牽人衣高歌取醉欲自慰起舞落  
日爭光輝游說萬乘苦不蚤著鞭跨馬涉遠道會  
稽愚婦輕買臣余亦辭家西入秦仰天大笑出門  
去我輩豈是蓬蒿人

結句以直致見風格所謂辭意俱盡如截奔馬

江夏別宋之悌

楚水清若空遙將碧海通人分千里外興在一杯  
中谷鳥吟晴日江猿嘯晚風平生不下淚於此泣  
無窮

登高而呼衆山皆響

胡震亨曰項聯與達夫功名萬里外心事一杯  
中似皆從庾抱之悲生萬里外恨起一杯中來  
而達夫較厚太白較逸並未易軒輕  
胡應麟云高雖渾厚易到李則超逸入神

南陽送客

斗酒勿為薄寸心貴不忘坐惜故人去倘令遊子傷離顏怨芳草春思結垂楊揮手再三別臨岐空斷腸

從古詩十九首脫化而出詞意俱古咏至五六可謂蘊藉風流矣

鍾惺曰項聯是客中送客語說得渾然不覺

送張舍人之江東

張翰江東去。正值秋風時。天清一鴈遠。海濶孤帆遲。白日行欲暮。滄波杳難期。吳洲如見月。千里幸

相思

方回曰一雁孤帆之句亦以寓吾道不偶之歎下句引白日滄波而云行欲暮杳難期意可見也

送王屋山人魏萬還王屋并序

王屋山人魏萬云自嵩宋沿吳相訪數千里不遇乘興遊台越經永嘉觀謝公石門後於廣陵相見美其愛文好古浪跡方外因述其行而贈是詩



仙選集卷六 玉屋  
仙○人○東○方○生○浩○蕩○弄○雲○海○沛○然○乘○天○遊○獨○往○失○所○  
在○魏○侯○繼○大○名○本○家○聊○攝○城○卷○舒○入○元○化○跡○與○古○  
賢○并○十○三○弄○文○史○揮○筆○如○振○綺○辯○折○田○巴○生○心○齊○  
魯○連○子○西○涉○清○洛○源○頗○驚○人○世○喧○采○秀○卧○玉○屋○因○  
窺○洞○天○門○揭○來○遊○嵩○峰○羽○客○何○雙○雙○朝○携○月○光○子○  
暮○宿○玉○女○聰○鬼○谷○上○窈○窕○龍○潭○下○奔○激○東○浮○汴○河○  
水○訪○我○三○千○里○逸○興○滿○吳○雲○飄○飄○淝○江○汜○揮○手○杭○  
越○間○樟○亭○望○潮○還○濤○卷○海○門○石○雲○橫○天○際○山○白○馬○  
走○素○車○雷○奔○駭○心○顏○遙○聞○會○稽○美○且○度○耶○溪○水○萬○

壑○與○千○巖○崢○嶸○鏡○湖○裏○秀○色○不○可○名○清○輝○滿○江○城○  
人○遊○月○邊○去○舟○在○空○中○行○此○中○久○延○佇○入○剡○尋○王○  
許○笑○讀○曹○娥○碑○沈○吟○黃○絹○語○天○台○連○四○明○日○入○向○  
國○清○五○峯○轉○月○色○百○里○行○松○聲○靈○溪○恣○沿○越○華○頂○  
殊○超○忽○石○梁○橫○青○天○側○足○履○半○月○忽○然○思○永○嘉○不○  
憚○海○路○賒○挂○席○歷○海○嶠○迴○瞻○赤○城○霞○赤○城○漸○微○沒○  
孤○嶼○前○曉○兀○水○續○萬○古○流○亭○空○千○霜○月○縉○雲○川○谷○  
難○石○門○最○可○觀○瀑○布○挂○北○斗○莫○窮○此○水○端○噴○壁○灑○  
素○雪○空○濛○生○晝○寒○却○思○惡○溪○去○寧○懼○惡○溪○惡○咆哮○

七十灘。冰石相噴簿。路創李北海。

李公邑昔為括州開此嶺路

巖開謝康樂。

惡溪有謝康樂題詩處

松風如猿聲。搜索連洞

壑。徑出梅花橋。雙溪納歸湖。落帆金華岸。赤松若

可招。沈約入詠樓。城西孤岩巖。巖巖四荒外。曠望

羣川會。雲卷天地開。波連浙西大。亂流新安口。北

指嚴光瀨。釣臺碧雲中。邈與蒼嶺對。稍稍來吳都。

裴回上姑蘓。煙綿橫九疑。漭蕩見五湖。目極心更

遠。悲歌但長吁。迴橈楚江濱。揮策揚子津。身著日

本裘。

裴則朝卿所贈日本布為之

昂藏出風塵。五月造我語。知

非佞人。相逢樂無限。水石日在眼。徒干五諸侯。

不致百金產。吾友揚子雲。弦歌播清芬。雖為江寧

宰。好與山公羣。乘興但一行。且和我愛君。君來幾

何時。僊臺應有期。東窻綠玉樹。定長三五枝。至今

天壇人。當笑爾歸遲。我若惜遠別。茫然使心悲。黃

河。若不斷。白首長相思。

就彼所述鋪叙成文。因其曲折緯以佳句。大有帆

隨湘轉水到渠成之致。

胡震亨曰。佞一作僂。僂言癡也。司馬相如賦。

徐漢卿詩集卷六 王崖 送友人尋越中山水 三十一  
仇以佻儻丑吏魚吏二切又音態礙注不前也  
雖似俗語其來已久

送友人尋越中山水

聞道稽山去。偏宜謝客才。  
千巖泉灑落。萬壑樹縈迴。  
東海橫秦望。西陵遠越臺。  
湖清霜鏡曉。濤白雪山來。  
八月枚乘筆。三吳張翰杯。  
此中多逸興。早晚向天台。  
山公鑿乘輿。一許且中。尋越中山水  
桂臨川曰太白天才飄逸長律雖法度整嚴而  
清骨不泯

魯郡堯祠送竇明府薄華還西京

自注時久病初起作

朝策犁眉騶舉鞭力不堪強扶愁病向何處角巾  
微服堯祠南長楊掃地不見日石門噴作金沙潭  
笑誇故人指絕境山光水色青於藍廟中往往來  
擊鼓堯本無心爾何苦門前長跪雙石人有女如  
花日歌舞銀鞍繡轂往復迴簾林蹶石鳴風雷遠  
煙空翠時明滅白鷗歷亂長飛雪紅泥亭子赤闌  
干碧流環轉青錦湍深沉百丈洞海底那知不有  
蛟龍蟠君不見綠珠潭水流東海綠珠紅粉沉光

彩綠珠樓下。花滿園。今日曾無一枝在。昨夜秋聲  
聞闔來。洞庭木落。騷人哀。遂將三五少年輩。登高  
遠望。形神開。生前一笑輕九鼎。魏武何悲銅雀臺。  
我歌白雲倚牕牖。爾聞其聲但揮手。長風吹月度  
海來。遙勸仙人一杯酒。酒中樂酣。肯向分舉觴。酌  
堯堯。可聞何不令。舉繇擁篲橫八極。直上青天揮  
浮雲。高陽小飲真瓊瑣。山公酩酊何如我。竹林七  
子去。道賒蘭亭。雄筆安足誇。堯祠笑殺五湖水。至  
今顛悴空荷花。爾向西秦我東越。暫向瀛洲訪金

闕藍田太白若可期。爲余掃灑石上月。

起滅在手變化從心初。曷嘗沾沾於矩矱而意之  
所到無不應節令。拍歌行至此豈非神品。

金鄉送韋八之西京

客自長安來。還歸長安去。狂風吹我心。西挂咸陽  
樹。此情不可道。此別何時遇。望望不見君。連山起  
煙霧。

魯郡東石門送杜二甫

醉別復幾日。登臨徧池臺。何時石門路。重有金樽

開秋波落泗水。海色明徂徠。飛蓬各自遠。且盡手中杯。

無限低徊有說不盡處。可謂情深於辭。

湖陵行送別

送君湖陵亭。瀾水流浩浩。上有無花之古樹。下有傷心之春草。我向秦人問路岐。云是王粲南登之古道。古道連綿走西京。紫闕落日浮雲生。正當今夕斷腸處。黃鸝愁絕不忍聽。

古之傷心人。別有懷抱是詩之謂矣。

送裴十八圖南歸嵩山

君思潁水綠。忽復歸嵩岑。歸時莫洗耳。爲我洗其心。洗心得真情。洗耳徒買名。謝公終一起。相與濟蒼生。

沉刻之意以快語出之。可令聞者驚城。

同王昌齡送族弟襄歸桂陽

秦地見碧草。楚語對清樽。把酒爾何思。鶉鴒啼南園。余欲羅浮隱。猶懷明主恩。躊躇紫宮戀。孤負滄洲言。終然無心雲。海上同飛翻。相期乃不淺。幽桂

有芳根。

蕭士贇曰細味此詩非一飯不忘君者乎議者何厚誣太白之不如杜也

爾家何在瀟湘川青莎白石長沙邊昨夢江花照江日幾枝正發 船前覺來欲往心悠然魂隨越鳥飛南天秦雲連山海相接桂水橫煙不可涉送君此去令人愁風帆茫茫隔河洲春潭瓊草綠可折西寄長安明月樓

桂臨川曰情出至悃詞調警絕

送崔度還吳

自注度故人祖部員外輔國之子

幽燕沙雪地。萬里盡黃雲。朝吹歸秋雁。南飛日幾羣。中有孤鳳雛。哀鳴九天聞。我乃重此鳥。綵章五色分。胡為雜凡禽。雞鶩輕賤君。舉手捧爾足。疾心若火焚。拂羽淚滿面。送之吳江濱。去影忽不見。躊躇日將曛。

哀痛之音篤於故舊自見深情

金陵送張十一再遊東吳

張翰黃花句風流五百年誰人今繼作夫子世稱

賢再動游吳權。還浮入海船。春光白門柳。霞色赤  
城天。去國難為別。思歸各未旋。空餘賈生淚。相顧  
共悽然。

張翰雜詩青條若總翠黃華如散金

青。條。若。總。翠。黃。華。如。散。金。  
空。中。自。有。別。離。意。水。上。不。聞。去。住。聲。  
西。燕。尚。在。舊。巢。里。畫。棟。其。時。已。結。冰。  
送。張。十一。再。游。東。吳。前。有。詩。云。吳。中。無。事。日。長。閒。

